

Ein (. Orient.) Wasserstrom muß sich mit vollem Fluß hermachen
 Daß er in Schiffen führe was dienet zu den Sachen:
 Ein außgestochen (. f.) Teich / ein rechter Wasserfang
 Muß man auch haben / daß der Strom hab seinen Gang
 Von disem tieffen Teich / thut man das Wasser fellen /
 Vnd (. aa. aa.) laiten in die Statt / in vnderchiedlich Stellen
 Zur (. zz.) Wasserstuben / vnd daß es die Räder schwing /
 Der Hämmer (.) Mühlen / das ist je ein nützlich ding.
 Wann dises ist gericht / so fangt man an zubawen
 Die groß vnd klein Gebäw / da ist wol auffzuschawen /
 Daß man ein jedes setz an sein bequemen Ort /
 Das ein hter ins Gesicht / vnd dann das ander dort. (der Jugendt
 Die (. A.B.C.) Kirchen / vnd (. z.) Rathhaus / die (. D.E.G.) Schulen zu
 Das (. f.) Zeughaus / welches gibt die Waffen zur Kriegstugendt.
 I Gefängnuß vnd den (. #.) Zoll / die (. p.) Bäder / vnd ein Haus
 Da man gibt meniglich das (. u.) Proviand heraus.
 Die (. v.) Metz zu dem Fleisch / darzu die (. k.) Apoteccken /
 Wirthshäuser / (. d.) daß sie nit dort stehen in den Hecken :
 * Kornhäuser / vnd bequem ein Stadel (. z.) zu dem Wein.
 Auch einen zu dem (. sss.) Reitz des Kalches vnd der Stein.
 Der (. h.) Spital / vnd darbey ein wolgezierter (. nnn.) Garten /
 Das (. m) Fündel / vnd (. m.) Siechhaus den Krancken abzuwartten
 Der (. o.) Gottesacker muß auch recht gelegen sein /
 Der aller Menschen ist ein sanfft Schlaffkammerlein.
 Ein (. v.) Mayrhoff etlich in der Statt / auff daß man habe
 Für junge Kinder Milch : Köhrbrunnen (. o.) vnd sich labe :
 Wann man (. f.) agiren will / desgleichen auch den (. y.) Ball
 Hoch treiben / daß man da gerüst sey vberall.
 Drey Sortren sollen seyn / der (. X.Z. ij.) der Häuser zubewohnen
 Den Burgern / je nachdem man findet die Personen.
 Daß man wol reitten lern der Pferdten (. qq.) Tummelplan /
 Zum Schiessen eine (. f.) Hütt vnd (. ooo.) Wäldelein daran /
 E Nan

Archite-
ctura Na-
ualis.

Wasser-
haltung.

Archite-
ctura Ci-
uilis.